

## CONVENIO DE COLABORACIÓN ENTRE FUNDACIÓN CIDADE DA CULTURA DE GALICIA E ASOCIACIÓN GALEGA PARA AXUDA DOS ENFERMOS CON DEMENCIA TIPO ALZHEIMER (AGADEA)

En Santiago de Compostela, na data da súa sinatura dixital

### REUNIDOS

Dunha parte,

Dona Ana Isabel Vázquez Reboredo, actuando como directora – xerente da **FUNDACIÓN CIDADE DA CULTURA DE GALICIA** (en diante a “Fundación”), con domicilio social en Cidade da Cultura de Galicia, situada en Santiago de Compostela, Monte Gaiás s/n, e provista do N.I.F. G 15721640, conforme aos poderes outorgados para o efecto polo Padroado da Fundación o 16 de decembro de 2016, poder escriturado ante notario o día 19 de decembro de 2016, e do artigo 31 dos Estatutos da Fundación Cidade da Cultura de Galicia.

E doutra,

Dona M<sup>a</sup> Isabel Gey Pérez, que intervén neste acto en nome e representación da **ASOCIACIÓN GALEGA PARA A AXUDA DOS ENFERMOS CON DEMENCIA TIPO ALZHEIMER** (en diante “AGADEA”), con número de identificación social G15483498 e domicilio social na rúa Salgueiriños de Abaixo 15,15704, en Santiago de Compostela, como entidade sen ánimo de lucro (ONG) constituída no 1994 ao abeiro da lexislación, actuado como presidenta e conforme as competencias que ten atribuídas de acordo co artigo 15 dos estatutos da asociación.

Ambas as dúas partes no nome e representación que ostentan e coa capacidade legal para este acto, e as competencias que lle están legalmente atribuídas,

### EXPOÑEN

**Primeiro.-** Que a Fundación foi constituída o día 27 de decembro de 1999, como organización de natureza fundacional, de interese galego, sen ánimo de lucro, cun patrimonio afecto de maneira duradeira á realización dos fins de interese xeral propios da Institución.

Mediante a Orde da Consellería de Presidencia, Relacións Institucionais e Administración Pública do 11 de xaneiro de 2000 (DOG núm. 11 do 18 de xaneiro), clasificouse a Fundación Cidade da Cultura de Galicia como cultural e adscribiuse á Consellería de Cultura. Por Orde da Consellería de Cultura do 19 de xaneiro de 2000 (DOG núm. 26 do 8 de febreiro) declarouse de interese galego e inscribiuse no rexistro de fundacións desta entidade co



número 2000/1.

Segundo o artigo 6 dos estatutos da Fundación Cidade da Cultura de Galicia constitúe o seu obxecto social *"a creación, explotación e promoción de áreas ou centros de conservación, produción, exhibición e consumo cultural, comunicativo e tecnolóxico, que constitúa un espazo multifuncional, multidisciplinar e aglutinador, propicio á interacción cultural"*.

Para a consecución dos seus fins, a fundación pode realizar, entre outras, as seguintes actividades:

- a) *As necesarias para converterse nun actor clave na difusión cultural, que sirva de punto de encontro entre os cidadáns e a cultura.*
- b) *As que contribúan a desempeñar un papel destacado no proceso de enriquecemento/aprendizaxe cultural da cidadanía, con especial énfase na adopción e uso das novas tecnoloxías.*
- c) *As que fomenten a interrelación e os proxectos en conxunto entre axentes de distintos ámbitos das industrias culturais e creativas, con especial énfase na cooperación interrexional e a colaboración pública e privada.*

Para a consecución deste obxecto social previsto nos Estatutos fundacionais, a FUNDACIÓN promove a realización de actividades de moi diversa índole, apostando por configurar un espazo que redunde nunha mellora da calidade de vida das persoas e accesible a calquera colectivo, con independencia das súas necesidades.

Dentro da estratexia de programación, algúns dos principios dos que emanan os programas e actividades propostas no II Plan Estratéxico da Cidade da Cultura de Galicia 2021-2027 son (entre outros):

- Atracción de novos segmentos de públicos, continuando coa fidelización dos públicos existentes, pero tamén elaborando estratexias para construír novas comunidades e atraer audiencias.

- Fortalecer o aliñamento dos programas cos ODS-Axenda 2030, reforzando aqueles proxectos que atenden aos valores promovidos polos ODS e potenciar os eixos menos explorados ata o momento.

Pola súa banda, dentro do denominado "Plan de gobernanza e participación: Gaiás aberto", sinálase que a Cidade da Cultura "ten como obxectivo orientar e potenciar a acción de distintos grupos de interese, comezando pola propia sociedade e incluíndo tamén as administracións locais galegas e o tecido empresarial. Tamén aborda a promoción de proxectos colaborativos entre as distintas entidades interesadas". *"A Cidade da Cultura configúrase como un ecosistema no que desenvolven a súa actividade distintas entidades"*.

As liñas de acción que entroncan co todo o anteriormente exposto son:

3.2.2. Servizos de proxectos colaborativos.

3.3.2. Colaboración con entidades de economía social.



Considérase primordial para a Cidade da Cultura de Galicia, en sintonía coa súa propia estratexia, visibilizar esta inclusión co fomento de proxectos colaborativos con entidades sen ánimo de lucro que promovan a integración de colectivos con necesidades especiais, ofrecendo un espazo aberto ás súas necesidades. Todas as persoas, todas as diferenzas e todas as capacidades, por especiais que puideren parecer nun principio, enriquecen calquera sociedade e constitúen un motor cultural que esvaece as fronteiras físicas e intelectuais.

A Lei 3/2024, de 5 de decembro, de cultura inclusiva e accesible de Galicia, conecta co sinalado ao indicar:

"O espírito que preside esta norma é que o acceso á cultura non quede limitado para ningunha persoa, con independencia de cales foren as súas condicións e circunstancias particulares, individuais ou colectivas.

Todas as persoas, todas as diferenzas e todas as capacidades, por especiais que puideren parecer nun principio, enriquecen calquera sociedade e constitúen un motor cultural que esvaece as fronteiras físicas e intelectuais. A ollada da diversidade é especialmente alentadora para a creatividade artística, mais tamén para a cohesión social. Así nolo recorda o lema da Unión Europea, «Unida na diversidade», en referencia á creación dunha Unión que nace da gran diversidade de culturas, tradicións e linguas dentro do continente europeo.

Precisamente, o proceso de creación cultural eríxese en moitos casos como a ferramenta máis efectiva para incorporar os colectivos máis desfavorecidos á sociedade e para contribuír a que recuperen a capacidade plena de desenvolvemento persoal e social.

Por tanto, é necesario pór os alicerces para que o acceso á cultura configure un dos bloques esenciais da actividade de toda persoa, independentemente de cal fora a súa situación de partida ou capacidade. Trátase de que a autonomía presida calquera decisión persoal, tanto á hora de consumir cultura como tamén á hora de a crear.

Sendo obxecto da propia lei (artigo 1) promover as condicións para que a participación na vida cultural sexa efectiva, inclusiva e accesible para todas as persoas, e remover os obstáculos que a impidan ou dificulten, con especial atención a aquelas persoas en que conorra algún factor de risco de exclusión social.

**Segundo.-** Que AGADEA é unha asociación sen ánimo de lucro que ten como fins, segundo consta nos seus estatutos;

- Prestar asistencia psicolóxica e moral ás/ós familiares das persoas enfermas de Alzheimer e outras demencias similares.
- Asesorar ás/ós familiares de persoas enfermas de Alzheimer e outras demencias, en materia legal, sociolóxica e económica.
- Proporcionar e difundir nos medios de comunicación todo o que faga referencia ó posible diagnóstico da enfermidade e terapia da mesma, co obxecto de facilitar a asistencia axeitada.



- Facilitar, mellorar e controlar a asistencia ás persoas enfermas, para mellorar a súa calidade de vida o máximo posible.
- Estimular os estudos sobre a incidencia, evolución terapéutica e posible etiología da enfermidade.
- Instar ós diversos estamentos públicos a prestar unha maior atención ás persoas enfermas de Alzheimer e ás/ós aúas/seus cuidadores e familiares.
- Manter os contactos axeitados con entidades e asociacións adicadas ó estudo da enfermidade, dentro e fóra de España, co propósito de estar ó día nos avances científicos que se produzan nesta materia, e así poder informar ás/ós familiares.

**Terceiro.-** Que AGADEA manifestou o seu interese en formalizar un convenio coa Fundación, coa finalidade de promover o cumprimento dos dereitos das persoas con persoas enfermas de Alzheimer e outras demencias, especialmente aqueles vinculados á accesibilidade á información, á comunicación, á cultura e ao exercicio dos seus dereitos en igualdade de oportunidades que o resto da cidadanía. Os obxectivos do presente acordo serán, entre outros:

- Contribuír á mellora da saúde e benestar psicosocial das persoas usuarias.
- Participar da vida comunitaria das persoas con deterioro cognitivo.
- Retardar o avance do proceso de demencia.
- Estimulación e rehabilitación das capacidades cognitivas e da independencia e autonomía das persoas usuarias.
- Manter e mellorar as condicións físicas e psicomotrices das persoas participantes.

**Cuarto.-** Que no marco destes dereitos, a Fundación comprométese a facilitar o dereito de acceso á cultura de todas as persoas, sen excluír a ninguén, baixo o respecto á igualdade de oportunidades e á non-discriminación, tal e como establece a LEI 3/2024, do 5 de decembro, de cultura inclusiva e accesible de Galicia, contando para elo coa colaboración de AGADEA.

**Quinto.-** Que tanto AGADEA como a Fundación están de acordo en establecer un marco de colaboración nos ámbitos de actuación de interese común para o que acordan as seguintes;

## CLAÚSULAS

### Primeiro: Obxecto

Que o obxecto do presente convenio é a colaboración de ambas partes na realización de actividades dirixidas ás persoas con deterioro cognitivo, así como as persoas con enfermidade de alzhéimer ou outras demencias en fase leve a moderada que acoden ao servizo de estimulación terapéutica para persoas con alzheimer e outras demencias neurodexenerativas, segundo os compromisos recollidos na cláusula segunda do presente convenio.

Estas actuacións están encamiñadas á prevención e promoción da saúde, co obxecto último de mellorar a calidade de vida das persoas afectadas de deterioro cognitivo e ás súas familias/cuidadores.



## Segundo: Compromisos das partes

A Fundación se obriga a;

1. Coordinación e autorización para a utilización dos bancais de plantación e de espazos axeitados para o desenvolvemento das actividades promovidas por AGADEA no marco do presente convenio, co fin de accesibilidade e inclusión.
2. Asesoramento sobre o lugar de localización de bancais e roteiros de paseo, limpeza do lugar, adquisición, instalación e preparación de bancais (terra, plantas, rega) e mantemento posterior.
3. Contacto coas persoas responsables das distintas actividades (obradoiro creativo, campamentos, rutas saudables...).
4. Información sobre a dispoñibilidade dos bancais, aforos e reservas.
5. Procura da coordinación técnica para o acceso aos bancais e para o desenvolvemento de actividades.
6. Apoio na difusión das actividades nos canais habituais da Cidade da Cultura, cando proceda.

Pola súa parte, AGADEA se obriga a;

1. Coordinación e supervisión das actividades organizadas directamente pola entidade.
2. Organización e dinamización das actividades e captación de participantes.
3. Responsabilidade sobre o persoal, participantes e materiais propios achegados para as actividades.
4. Deixar os espazos nas condicións adecuadas tras cada actividade.
5. Comunicación anticipada das necesidades técnicas ou loxísticas específicas de cada acción.
6. Reposición de plantas e aprovisionamento de materiais para o resto de actividades lúdicas e culturais.

## Terceiro: Vixencia

Este convenio producirá os seus efectos a partir da data da súa sinatura, e a súa vixencia estenderase ata o 31 de decembro de 2026. Non obstante o anterior, o convenio poderá prorrogarse automaticamente por anualidades ata un máximo de tres anos máis, se ningunha das partes manifestase o contrario con dous meses de antelación á data de vencemento de cada prórroga anual e sempre que se realicen actividades vencelladas ao obxecto do convenio.

## Cuarto: Financiamento

A Fundación Cidade da Cultura de Galicia e AGADEA ou entidades asociadas á mesma, asumirán respectivamente, con cargo aos seus propios orzamentos, as accións que se deriven do cumprimento do presente convenio.

## Quinto.- Limpeza

A Fundación conta cun servizo de limpeza ordinario para todo o recinto da Cidade da Cultura de



Galicia.

Unha vez finalizado o obxecto do convenio AGADEA procurará deixar os espazos e instalacións cedidas totalmente limpos de residuos.

#### **Sexto.- Seguridade e control de acceso ao espazo.**

A Fundación conta cun servizo de seguridade ordinario para todo o recinto da Cidade da Cultura de Galicia, que continuará prestándose durante o período de vixencia do convenio. Non obstante, a seguridade e custodia dos obxectos que AGADEA garde no espazo cedido, dependerán directamente de AGADEA. A Fundación non se fai responsable da seguridade e integridade dos ditos obxectos.

AGADEA é responsable do trato que, o persoal ao seu cargo, dispense ao público asistente.

#### **Sétima.- Difusión de imaxes da Cidade da Cultura de Galicia.**

Autorízase a reprodución, difusión e comunicación das imaxes, sons, ou documentación por parte da solicitante, en canto inclúa referencias ou imaxes, externas ou internas das instalacións, espazos ou zonas correspondentes á Cidade da Cultura de Galicia, en calquera medio de difusión impreso, audiovisual, Internet, ou en calquera soporte, físico ou virtual. Non obstante, AGADEA deberá facer constar a procedencia de ditas imaxes, sons ou orixe da documentación (Cidade da Cultura de Galicia) ou a expresión "*por cortesía da Fundación Cidade da Cultura de Galicia*", no caso de reprodución, difusión e comunicación das imaxes, sons, ou documentación pertencentes ao Fondo da Fundación cedidos polo Departamento de Comunicación e Marketing desta entidade.

#### **Oitava.- Cesión e subcontratación**

En ningún caso se admite a cesión ou subcontratación dos espazos ou instalacións obxecto do presente convenio.

#### **Novena.- Comisión de seguimento**

Establécese unha Comisión de Seguimento do presente convenio integrada por un mínimo de dous representantes por cada unha das partes. Os membros desta comisión poderán ser substituídos polas persoas que estes designen. A substitución, con carácter definitivo ou temporal, de calquera dos membros da Comisión de Seguimento, será anunciada na convocatoria de reunión correspondente, e quedará debidamente reflectida na acta da mesma.

Esta comisión estará presidida por un dos representantes da Fundación, e actuará como secretario un dos representantes de AGADEA.

A Comisión de Seguimento asumirá, entre outras, as seguintes funcións:

- Supervisar a execución do convenio.
- Resolver os problemas de interpretación e cumprimento que se deriven do presente



convenio.

A comisión reunirse en sesión constitutiva no prazo dun mes dende a sinatura do convenio e poderá reunirse cantas veces estimen oportuno as partes, e por iniciativa de calquera delas.

## **Décimo.- Protección de datos**

### 1. Tratamento de datos persoais das partes intervinientes no convenio.

As partes intervinientes manifestan ter sido informadas, respecto dos seus propios datos persoais que se faciliten para a formalización e o adecuado desenvolvemento deste convenio, conforme ao disposto no artigo 13 do Regulamento 2016/679 (UE) xeral de protección de datos persoais (en diante, RXPD). A lexitimación para o tratamento dos datos seus datos, será a execución do presente convenio.

No caso de que, no ámbito deste convenio, os intervinientes se facilitasen respectivamente datos persoais de terceiros, incluídos os relativos ao persoal ao seu servizo, estes serán tratados para o cumprimento dunha misión de interese público ou o exercicio de poderes públicos, debendo informar previamente á súa comunicación aos interesados dos extremos previstos no devandito artigo 13.

### 2. Deber de confidencialidade das partes intervinientes no convenio

As partes intervinientes deberán respectar o segredo profesional e, en consecuencia, manter absoluta confidencialidade e reserva sobre a totalidade dos documentos e informacións que lle foran confiados para a formalización do convenio ou que sexan elaborados con ocasión da execución do mesmo. Así, quedan expresamente obrigadas:

- a utilizar a devandita información exclusivamente no ámbito deste convenio e para as finalidades previstas no mesmo;
- a non comunicala, nin total nin parcialmente, a ningún terceiro sen autorización expresa do emisor salvo nos casos expresamente previstos na lei, esixindo idéntico compromiso ao persoal que empregue ou co que colabore na execución do convenio;
- a facilitar o acceso á información unicamente ao persoal que a necesite para o desenvolvemento da devandita relación, a quen se comunicará a obrigaçión de tratar a información á que se lles dá acceso con carácter estritamente confidencial;
- a aplicar medidas de cautela e protección e destruír en calquera momento a documentación escrita recibida se así o solicita a parte que a forneceu;

Considerarase información confidencial aquela á que os intervinientes accedan en virtude do presente convenio, especialmente a de tipo técnico ou tecnolóxico, de produción, de mercadotecnia, administrativa, ou económico-financeira, sempre que non teña carácter público ou notorio. Este deber manterase durante un prazo mínimo de dez anos desde o coñecemento desa información



### **Décimo primeiro.- Publicidade**

Este convenio será obxecto de inscrición en cumprimento do establecido no artigo 15 da Lei 1/2016, do 18 de xaneiro, de transparencia e bo goberno e no Decreto 126/2006, do 20 de xullo, polo que se regula o Rexistro de Convenios da Xunta de Galicia.

As partes asinantes autorizan/consenten na publicidade dos seus datos persoais e demais especificacións recollidas no presente acordo de colaboración no Portal de Transparencia e Goberno Aberto.

Segundo o artigo 17 da Lei 1/2016, do 18 de xaneiro, ademais da información que debe facerse pública segundo a normativa básica en materia de transparencia, a Administración autonómica publicará o texto íntegro do acordo.

### **Décimo segundo.- Notificación electrónica**

Segundo o artigo 14.2 da Lei 39/2015, do 1 de outubro, do procedemento administrativo común das administracións públicas, os colectivos que están obrigados a relacionarse a través de medios electrónicos coas administracións públicas, e por tanto, a recibir notificacións por canles electrónicas son: as persoas xurídicas, as entidades sen personalidade xurídica, os colexios profesionais, os que representen un interesado que estea obrigado a relacionarse electronicamente coa Administración e, os empregados das administracións públicas para os trámites que realicen con elas por razón da súa condición de empregado público.

As notificacións realizaranse só por medios electrónicos a través do Sistema de Notificación Electrónica de Galicia Notifica.gal, (<https://notifica.xunta.gal>). Para poder acceder a unha notificación electrónica, o interesado deberá contar cun certificado electrónico asociado ao NIF que figure como destinatario da notificación (persoa física ou xurídica). Así mesmo, o interesado pode autorizar a calquera outra persoa a acceder ao contido das súas notificacións.

### **Décimo terceiro.- Réxime xurídico e solución de discrepancias**

O presente Convenio está excluído do ámbito de aplicación Lei 9/2017, de 8 de novembro, de contratos do sector público, pola que se traspoñen ao ordenamento xurídico español ás directivas do Parlamento Europeo e do Consello 2014/23/UE e 2014/24/UE, de 26 de febreiro de 2014, segundo dispón o artigo 6 desta normativa.

As eventuais discrepancias derivadas do presente convenio que non poidan ser resoltas pola comisión de seguimento prevista na cláusula quinta, resolveranse polo procedemento previsto na Lei 16/2010, do 17 de decembro, de organización e funcionamento da Administración xeral e do sector público de Galicia, para os conflitos de atribucións. As partes se comprometen a resolver de común acordo calquera controversia que puidera suscitarse sobre a interpretación ou execución deste Convenio.

As cuestións litixiosas xurdidas na aplicación do presente acordo serán resoltas pola xurisdición civil.



E en proba de conformidade co exposto, asinan convenio telemáticamente, considerándose na data que figura na sinatura dixital pola Fundación.

Pola Asociación Galega para Axuda dos  
Enfermos con Demencia Tipo Alzheimer

Pola Fundación Cidade da Cultura

Asdo: M<sup>a</sup> Isabel Gey Pérez

Asdo: Ana Isabel Vázquez Reboredo.

Anexo I:- PRIMEIRAS ACTIVIDADES COLABORATIVAS (calendario provisional)



## Anexo I:- PRIMEIRAS ACTIVIDADES COLABORATIVAS (calendario provisional)

1. MAIO: posta en marcha e desenvolvemento de bancais de plantación na Cidade da Cultura de Galicia. Para a execución desta actividade, a Fundación porá a disposición de AGADEA dun espazo axeitado para plantación de especies froito-hortícolas.
2. 29 DE MAIO: coorganización dunha actividade de teatro lido para o colectivo representado por AGADEA e para as súas familias.
3. XUÑO (día 5): promoción dunha actividade conxunta con motivo do Día do Medio Ambiente (obradoiro creativo).
4. XUÑO (2º quincena): desenvolvemento de sesións lúdicas interxeracionais ao aire libre.
5. Xuño: realización de ruta saudable.
6. SETEMBRO: Exposición e proxección audiovisual no marco do Día mundial do Alzheimer
7. OUTUBRO (1º quincena): realización dunha sesión das nosas escolas de familias.
8. OUTUBRO (2º quincena)
  - \* Charla de sensibilización ao persoal da Cidade da Cultura sobre as demencias.
  - \* Colaboración coa biblioteca para a difusión do Premio Simbad de literatura infantil.

